



KEMENTERIAN SUMBER MANUSIA

## SIARAN MEDIA

---

### KESUMA ANJUR MERDEKA 118 VERTICAL CHALLENGE 2026 SEMPENA SAMBUTAN HARI PEKERJA 2026

---

**KUALA LUMPUR, 2 Mei 2026** – Kementerian Sumber Manusia (KESUMA) menganjurkan program berimpak tinggi, **KESUMA Merdeka 118 Vertical Challenge 2026**, bersempena Sambutan Hari Pekerja 2026 sebagai tanda penghargaan kepada golongan pekerja yang menjadi tulang belakang pembangunan negara.

Acara yang berlangsung di Merdeka 118 ini merupakan larian menara ikonik yang dianjurkan dengan kerjasama Jabatan Keselamatan dan Kesihatan Pekerjaan (JKKP) serta Kelab Kebajikan dan Sukan KESUMA. Program ini dijangka **menarik penyertaan seramai 2,500 peserta** yang terdiri daripada warga KESUMA, pekerja sektor awam dan swasta serta orang awam.

Penganjuran program ini bertujuan untuk:

- Menghargai sumbangan golongan pekerja sebagai pemacu utama Ekonomi MADANI
- Meningkatkan ketampakan (visibility) KESUMA melalui acara berskala besar dan berprofil tinggi
- Menggalakkan amalan gaya hidup sihat dan aktif
- Memperkukuh kesedaran terhadap keselamatan dan kesihatan pekerjaan

Acara ini turut mencatat sejarah tersendiri apabila menyaksikan **cubaan memecahkan rekod kebangsaan “Fastest Man to Run Up the Merdeka 118”** yang akan direkodkan dalam **Malaysia Book of Records**. Cubaan ini akan dilakukan oleh **Encik Soh Wai Ching**, pelari menara nombor satu dunia.

Sebagai tarikan tambahan, satu gimik khas turut dirancang melibatkan Timbalan Menteri Sumber Manusia bersama dif kehormat yang akan melakukan **pendakian simbolik dari aras 100 hingga aras 118** sebagai tanda komitmen terhadap kecergasan, daya tahan serta semangat kerja tinggi dalam kalangan warga kerja negara.

Program yang berlangsung dari jam 6.00 pagi hingga 3.30 petang ini menjadi antara acara kemuncak Sambutan Hari Pekerja 2026, sekali gus mengangkat imej KESUMA sebagai peneraju dalam mempromosikan kesejahteraan pekerja secara holistik.

**KEMENTERIAN SUMBER MANUSIA**

**2 MEI 2026**

**LAMPIRAN****LATAR BELAKANG KESUMA**

Kementerian Sumber Manusia atau singkatannya KESUMA adalah kementerian yang bertanggungjawab kepada pembangunan kemahiran, pekerjaan, keselamatan dan kesihatan pekerjaan, kesatuan sekerja, perhubungan perusahaan, maklumat dan analisis pasaran buruh dan keselamatan sosial.

**PERANAN & TANGGUNGJAWAB KESUMA**

Membangunkan dan melahirkan modal insan yang kompeten, produktif, responsif dan berdaya tahan dalam pasaran buruh negara ke arah meningkatkan produktiviti negara. Memastikan kelancaran operasi pasaran buruh negara. Meningkatkan kebolehpekerjaan dan penggajian tenaga kerja tempatan bagi memenuhi keperluan pasaran kerja negara. Memastikan perhubungan perusahaan yang harmoni dan kondusif. Mengutamakan aspek keselamatan dan kesihatan pekerjaan. Memastikan jaringan keselamatan sosial yang komprehensif, dinamik dan progresif.

**JABATAN DAN AGENSI DI BAWAH KESUMA**

JABATAN	AGENSI
Jabatan Tenaga Manusia (JTM)	Pertubuhan Keselamatan Sosial (PERKESO)
Mahkamah Perusahaan Malaysia (MPM)	Institut Keselamatan Dan Kesihatan Pekerjaan Negara (NIOSH)
Jabatan Pembangunan Kemahiran (JPK)	Human Resources Development Corporation (HRDC)
Jabatan Keselamatan dan Kesihatan Pekerjaan (JKKP)	Talent Corporation Malaysia Berhad (TALENTCORP)
Jabatan Tenaga Kerja Semenanjung Malaysia (JTKSM)	Perbadanan Tabung Pembangunan Kemahiran (PTPK)
Jabatan Perhubungan Perusahaan Malaysia (JPPM)	
Jabatan Hal Ehwal Kesatuan Sekerja (JHEKS)	
Jabatan Tenaga Kerja Sabah	
Jabatan Tenaga Kerja Sarawak	